

ed249189
42 T2 22
部=13

卷十九

人物名臣

臨海縣志稿卷之十九

人物

名臣敘目

晉

任旭

唐

孫琰

宋

陳公輔

子夷行 孫達善

朱絳

陳良翰

子元壽 楊善 彭壽 廣壽 耆壽

陳騃

臨海縣志

卷十九

名臣敘目

一

王衡

子似之 柴 應之

鹿何

祖淵 子昌運

謝深甫

子采伯 渠伯 斐伯 彙伯 采伯 子奕修 奕懋 奕恭 奕容 奕信 奕明 奕進 渠伯 子奕昌 奕禮 斐伯 奕異 奕謙 奕良 奕晉 彙伯 子奕中 奕正 深甫 曾孫堂 奕璽 奕厚

周泊

王卿月

商飛卿

弟逸卿

應武

子塾 基 厘

錢象祖

孫可則 應孫

陳耆卿

陳維

王嶼

元

陳孚

子遘 孫子章

他哈布哈

明



陶凱

陳璩
弟琛

陳員韜
子選

陳世良

王崇

秦文
弟禮 武 禮子 鳴夏 鳴雷

蔡潮
子雲程

戴德孺
父守心

趙淵
祖岳 父璧

葉忠

金賁亨
子立愛 立敬

何寬
子大縉

王宗沐
子士崧 立準 士琦 士昌 侄士性 士琦子立程

鄧棟

王亮

王萬祚

清

臨海縣志

卷十九

名臣敘目

二

蔣懋勛

臨海縣志稿卷之十九

人物

名臣

晉

任旭字次龍父訪吳南海太守旭幼孤弱童時勤學及長立操清修不染流俗鄉曲推愛郡守蔣秀請爲功曹秀居官貪穢每不奉法旭正色苦諫不納謝去閉門講習養志而已久之秀坐事被收旭狼狽營送秀慨然歎曰任功曹眞人也吾違其讜言以至於此復何言哉尋察孝廉除郎中州郡仍舉爲郡中正固辭永康初惠帝博求清節雋異之士太守仇馥薦旭清貞絜素學識通博詔下

臨海縣志

卷十九

人物

名臣

三

州郡以禮發遣旭以朝廷多故志尙隱遯辭疾不行尋天下大亂陳敏作逆江東名豪並見羈繫惟旭與賀循守死不迴敏卒不能屈元帝初鎮江東聞其名手書召爲參軍欲使必到旭固辭以疾後帝進位鎮東大將軍復召之及爲左丞相辟爲祭酒遭母憂不就司空王導啓立學校選天下明經之士旭與會稽虞喜俱以隱學被召會有王敦之難尋而帝崩事遂寢明帝卽位又徵拜給事中旭稱疾篤經年不到尙書以稽留除名僕射荀崧議以爲不可化致政莫尙乎崇道教明退素也喪亂以來儒雅淩夷每覽子衿之詩未嘗不慨然臨海任旭會稽虞喜並潔靜其操歲寒不移研

晉書
本傳

太寧三年三月癸巳復徵旭與虞喜爲博士

明帝
紀

詔曰夫興

精墳典居今行古志操足以勵俗博學足以明道前雖不至其更以博士徵之

虞喜傳

始下而帝崩咸和二年卒太守馮懷上疏謂宜

贈九列值蘇峻作亂事竟不行子琚位至太宗正終於家

晉書

唐

孫琰驍勇有智時人謂之孫百計積功至牙將守蘇州天復二年淮南將周本呂師造圍蘇州攻法凡百出不可窮最後推洞屋攻城若帡幪然琰隨機應敵置輪於竿首垂絙投錐以揭之攻者盡露及礮至則張網以拒礮遇網輒止竟無所施淮南兵遂夜遁

江浙

通志引十國春秋

宋

臨海縣志

卷十九

人物 名臣 四

陳公輔字國佐政和三年上舍釋褐第一調平江府教授朱勔方嬖倖當官者奴事之公輔絕不與交勔有兄喪諸生欲往弔公輔不予告勔不悅諷權要移公輔越州累遷權應天府少尹除秘書

郎

宋史

李邦彥罷政事數日復爲太宰人情震駭公輔具奏論列并

攻中書侍郎王孝迪尙書右丞蔡懋皆罷

三朝北盟會編

靖康初二府多

宣和舊人公輔言蔡京王黼用事二十餘年臺諫皆緣以進唐重師曠爲太宰李邦彥引用謝克家孫覲爲纂修蔡攸引用及邦彥作相又附麗以進此四人者處臺諫之任臣知其決不能言宰相大臣之過願擇人臣中樸茂純直能安貧守節不附權倖慷慨論事者列之臺諫則所任得人禮義廉恥稍稍振起敵國聞之豈不

畏服哉時吳敏李綱不協公輔奏陛下初臨萬幾正賴其同心合謀而二臣不和已有其跡願諭以聖訓俾務一心以安國家徽宗渡江未還人情疑懼公輔力陳父子之義宜遣大臣迎奉欽宗嘉之擢爲右司諫孟夏享景靈宮遂幸陽德佑神觀公輔諫不當如平時事游宴論蔡京父子懷奸誤國終未行遣今朝廷公卿百執事半出其門必有庇之者詔謫京崇信軍節度副使德安府安置又奏朱勔罪惡都城之民皆謂已族滅其家乞勿許其子孫隨上皇入京宋史再召對耿南仲指公輔爲李綱黨乞送御史臺根治欽宗不問五月二十五日公輔上言乞戒大臣究心邊事六月三日以李綱充河北東路宣撫司副使以代种師道公輔與御史中丞臨海縣志

卷十九

人物 名臣 五

陳過庭皆言李綱儒者不知軍旅將兵必敗綱忠鯁異衆爲大臣所陷他日成功亦死敗事亦死不宜遣太原安撫使張孝純數以蠟書告急上以綱爲河東宣撫使公輔與諫官余應求言綱不當去朝廷上怒皆罷之三朝北盟會編又言方復祖宗法度馮澥不宜更論

熙甯元豐之政

宋史

以讒謫台州監稅

一作合州

高宗卽位召還除尙書

左司員外郎初李綱得政公輔自外除郎未至而綱罷改南劍州尋予宮觀紹興六年召爲吏部員外郎疏言今日之禍實由公卿大夫無氣節忠義不能維持天下國家平時旣無忠言直道緩急詎肯仗節死義豈非王安石學術壞之耶議者尙謂安石政事雖不善學術尙可取臣謂安石學術之不善尤甚於政事政事害人

才學術害人心三經字說詆誣聖人破碎大道非一端也春秋正名分定褒貶俾亂臣賊子懼安石使學者不治春秋史漢載成敗安危存亡理亂爲聖君賢相忠臣義士之龜鑒安石使學者不讀史漢王莽之纂揚雄不能死又仕之更爲劇秦美新之文安石乃曰雄之仕合於孔子無可無不可之義五季之亂馮道事四姓八君安石乃曰道在五代時最善避難以存身使公卿大夫皆師安石之言宜其無氣節忠義也

宋史

是年冬張魏公獨相始用公輔言

禁臨川學

建炎以來朝野雜記

復授左司諫

赤城志作右

言中興之治在得天得

人以孝感天以誠得民帝善其深得諫臣體賜三品服令尙書省寫圖進入以便觀覽公輔感帝知遇益罄忠鯁言正心在務學治

臨海縣志

卷十九

人物 名臣 六

國在用人朝廷之禍在朋黨時有詔將駐蹕建康公輔上疏陳攻守之策且乞選大臣鎮淮西增兵將守要害使西連鄂岳東接楚泗皆有犄角之形徽宗計至公輔請宮中行三年之喪視朝服淡黃羣臣未可純吉服明堂未可以徽宗配宜罷臨軒策士又乞權罷講筵事不行中書舍人傅崧卿援嚴父之說不幸太上諱問奄至而大享不及理實未安公輔言今梓宮未還廟社未定疆土未復臣竊意祖宗上皇神靈所望於陛下者必欲興衰撥亂恢復中原迎還梓宮歸藏陵寢以隆我宋無疆之業若如議者之言以陛下貴爲天子上皇北狩十有一年未獲天下之養今不幸而崩且欲因明堂之禮追配上帝謂是足以盡人子之孝則於陛下之志

恐亦小矣宜依故事合祭天地祖宗並侑太上升配似未可行遷

尚書禮部侍郎

宋史

十年九月高宗將撫巡江上之師而京西岳飛

先已蕩平汝穎連破商虢又取伊陽長水捷音五至中外稱快公

輔奏三可慮謂諸軍各須日日戒嚴如對強敵不應僥倖其不至

金陀粹編

會趙鼎言進退人才乃其職分疏稍侵公輔因力請祠除集

英殿修撰提舉江州太平觀尋知處州升徽猷閣待制

宋史

仍提舉

太平觀自號定菴居士

赤城志

卒年六十六贈大中大夫有文集二

十卷奏議十二卷行於世

宋史

又著有風俗記祀鄉賢

洪志

台之以高

科位法從且稱謔者自公輔始

赤城志

公輔論事剴切疾惡如讐

惟不右程頤之學士論惜之

宋史

子夷行字清臣紹興五年進士公

臨海縣志

卷十九

人物

名臣

七

輔謔不阿時俗宰相啖以柄用冀其少徇夷行聞之獻書於其

父曰日暮途窮倒行逆施事之萬不可者也功名付之天數行已

操之在我稍有瞻顧則平生名節掃地盡矣父感其言遂以鯁直

終人以此賢夷行官終監南嶽廟孫達善初監潭州南嶽廟調處

州青田尉明州昌國鹽官皆振職乾道間從事道州湖南荐饑劇

盜李金者起掠郡縣州素無城郭官吏失色往往稱疾去達善毅

然入白太守出奇計擒之以功知會稽縣邑之德政鄉地庫潦輒

病稼達善訪得故道鑿大渠水有所歸田以不病部使者以治行

薦遂入監左帑以憂去起知金州修學校辟射圃祠忠節告兵民

凡郡政大者舉行略盡江漢自唐末築隄捍水歲久隄壞水潦暴

至輒漂城達善請於朝爲堰禦水溉由數千畝金人名其堰曰廣濟以識德秩滿部使者復以其名薦如會稽時除本路判官革除宿弊再除本路提點刑獄所決獄人服其平尋除直秘閣湖北轉運副使會鼎澧歲饑民流取富鄭公青州之法次第施行民以安集天子有意用之召赴行在至嘉禾偶得疾卒於郡廨年五十八積階至朝奉大夫

黃裳撰墓誌銘

弟揚善歷吏部郎中終知光州

赤城志

朱緝官工部員外郎紹興三年早上言獄囚多冤抑上千天和帝從其請詔諸路監司分按州縣親錄囚徒以察冤滯未幾而雨

紹興

聖政錄

陳良翰字邦彥父守忠官和州通判其妻洪不育爲置一妾進御

臨海縣志

卷十九

人物 名臣 八

夕襲衰於內叩之故潤州通判女父喪服未除守忠處以別室飭

奩遣之

府志

良翰蚤孤事母孝爲文恢博有度中紹興五年進士第

授左迪功郎調紹興府會稽縣主簿秩滿循從事郎知明州慈溪

縣事

宋史

以經術飾吏事天資高明操尚介特恢崇風化作成人材

吏畏民愛

寶慶四明續志

歲凶民飢諭富室發廩以糴籍貧民授券以糴

上安下濟邑人賴之導德門三鄉之渠溉田甚廣改宣教郎知溫州瑞安縣事俗強梗難治或謂宜厲威嚴良翰曰縣令字民之官愛之如子猶懼不饒况奮其武怒以懾威之彼亦何所恃耶催租不下文符但揭逋戶名民如期皆集聽訟多得情或問其術良翰曰吾何術第公吾心使如虛堂懸鏡耳罹內憂去官免喪授衢州

府學教授教諸生以修身礪行不專器於文字語言間轉承議郎殿中侍御史吳芾薦爲檢法官擢監察御史孝宗卽位覃恩轉朝奉郎時金主新立

朱子撰行狀

詔以敵人來索舊禮而中原歸正人當

納與否命宰執侍從臺諫集議良翰言不用舊禮而後遺民可招

三朝北盟會編

尋有詔問時務所宜良翰疏請明階級以修軍政核兵實

以豐財用禁折變以蘇民力省堂選以抑奔競內外之官皆久其任賞罰輕重務合衆心孝宗嘉納焉孝宗用張浚軍淮泗以規進取而議者爭獻防江策良翰言當固藩籬專委任今捨淮防江卻地奪便非計也朝廷過聽使督府不得專閫外誤矣除右正言入謝首陳納諫修德之說會有飛蝗之異又勸上以畏天恤民爲心

臨海縣志

卷十九

人物名臣九

金再移書求故疆且邀歲幣良翰言中原皆祖宗故土唐鄧淮泗又逆亮渝盟後以兵取之安得以故疆爲言而歸之乎湯思退力主和議遣盧仲賢李枋持書幣賜金主兵者良翰言仲賢輕儇無恥枋北來其蹤跡不可知又言廟堂督府議論不同邊奏上聞皆陽唯而陰沮萬一爽於事機督府安得獨任其責孝宗稱善

朱子行狀

朝廷遣史正志至建康與張浚議事乖悟良翰言陛下使浚守淮則任浚爲重一耶官爲輕且正志居中浚必爲去就孝宗悟出正志爲福建漕運

宋史

楊存中爲御營使總殿前諸軍良翰言存中提

禁旅二十年賴太上威斷罷就第奈何又假兵柄願陛下爲宗社計使以兵屬三衙疏三上論者再竟能存中仲賢等出疆勞如禮

朝廷皆喜和議可定良翰抗言曰和議於金人有大利四在我不
未可必五蓋罷兵講和彼得以坐守中原休養民力威制小種銷
伏羣盜此金之大利也我欲與爲敵國請復山陵又必其不求四
郡不索降人不疑邊備此則殊未可必願陛下毋惑羣議先定久
遠之計以應其變既而李杲竟不涉淮良翰奏奪其官仲賢至汴
許以疆土歲幣而還上大怒下仲賢吏欲誅之宰相叩頭請得免
因極言邊備不足恃和好不可修上復遣王之望龍大淵使金良
翰言前遣使已辱命大臣欲肆臆決卻衆謀不謂秦檜復見於今
且彼要我罷四郡兵以地歸之是彼不折一兵而坐收四千里要
害之地也臣愚以爲決不可許若歲幣俟得陵寢而後予庶猶有

名今議未決而之望遽行恐其辱國不止於仲賢願先馳一介往
俟議決行未晚也詔可良翰議遂以胡昉楊由義爲審議官令專
議四郡事而手詔之望大淵使議陵寢梓宮降人邊備四事利害
以聞二人奏上上燭其奸良翰復伸前論上從之十二月除左司
諫既而昉及由義議四郡不合因辱而歸思退尙執前議正言尹
檣附之以撼督府良翰因疏論思退奸邪誤國宜早罷黜張浚精
忠老謀不宜以小人之言搖之孝宗曰思退前議誠失然朕愛其
警敏冀可責後效至魏公則今日孰出其右者朕豈容有此意正
使有之亦豈不謀卿等此殆言者有畏志卿爲朕諭之良翰頓首
謝曰陛下言及此天下幸甚陛相從無全才寧取椎鈍樸實之人

緩急猶可倚賴思退庸狡小黠大癡恐誤國計且警敏二字非明主卜相之法也既退以孝宗語諭同列稽勃然變色明日亦請對於是王以王之望爲諫議大夫罷良翰言職以直敷文閣知建甯府越兩日有詔張浚罷兵還朝又兩月張浚罷相而和議遂定金於是乘勢大入孝宗悔悟太學諸生數百人前後伏闕請召用良翰及胡銓王十朋等而斬思退之望尹穡洪适以謝天下思退始敗然邊備遂弛

行狀

良翰在諫省成恭皇后受冊官內外親屬二十五

人良翰論其冗詔減七人

宋史

至建寧一以惠愛撫其民未幾就除

福建計度路轉運副使作觀風七詠以示敦本厚俗之意轉朝散郎除江東路提點刑獄公事移浙西轉朝請郎以宗正少卿召還

臨海縣志

卷十九

人物

名臣

十一

五年權太常少卿除兵部侍郎

行狀

樞密都丞張說請置酒延諸侍

從上許之說退約客獨良翰不至說因奏良翰違聖意夜漏將上

忽報中批除良翰右諫議大夫

宋文憲書陳獻甫公行狀後

入謝陳四事曰畏

天曰愛民曰修政曰官人六年正月戊辰大雪震電庚午大雨雪良翰求對極陳祗畏天戒飭正庶事之說時東宮久未建復手疏言之孝宗皆嘉納史正志帥成都請復置發運使良翰極論正志反覆誕妄疏三上退而求去孝宗封還所奏已而發運司爲公私之病皆如所言遂竄正志罷發運官屬又言以蜀漢之師窺關陝荆襄趨韓魏江淮擣青徐三者勢相犄角今蜀道委大臣而荆淮未有任責者願擇重臣分委爲久遠萬全計上稱善尋以與修玉

燂成書轉朝散大夫再上章求去不許七月除給事中大將成閔
冒眞請俸有司坐獲譴閤門王抃納妄人謝顯矯詔出境坐事抵
顯罪而置閔及抃不問良翰皆駁州請正典刑章上翼日遂除禮
部侍郎辭不拜以敷文閣待制提舉江州太平興國宮七年詔起
知婺州未至除太子詹事凡所以告太子者無非規戒之言一日
召對選德殿出手書唐太宗與魏徵論德仁功利之語而書其後
俾極陳今日所未至良翰退上疏八條言宜能承天意結民心任
賢能退小人擇將帥收軍情擇監司吏久任孝宗嘉嘆出示輔臣
詔兼侍講以病劇除敷文閣直學士提舉太平宮八月卒年六十
有五計聞贈大中大夫光宗立特諡獻肅祀鄉賢著有勁正集十

臨海縣志

卷十九

人物 名臣 十二

六卷子四人元壽右迪功郎耆壽右承務郎

行狀參洪志

直寶謨閣兩

浙運判

赤城志

彭壽初爲嵎縣丞

剡錄

嘉定中知福建邵武府軍事廉

介明正鋤擊橫暴不可以私干黎元愛戴

邵武府志

終福建提點刑獄

赤城志

廣壽乾道八年進士字成卿慶元二年八月以樞密院編修

兼實錄院檢討官嘉定元年正月以刑部郎中兼國史院編修

宋南

館閣錄

歷官至兵刑部侍郎以通奉大夫提舉桃源萬壽宮孫奇之

慶元二年進士

台攷

陳騭守叔進

一作晉

紹興二十四年試春官第一秦檜當國以秦垧

居其上累官遷將作少監守秘書少監兼太子諭德太子尹臨安
騭謂儲宮下親細務不得專於學非所以毓德也太子矍然亟辭

乾道六年六月崔淵以外戚張說進除秘書郎兼金部郎駢封還
詞頭九年十月出知贛州易秀州召還首言陛下銳意圖治羣下
急於自媒爭獻強兵理財之計及畀以職報效蔑聞宜杜邪諂之
路再歸故官淳熙三年十一月

南宋館閣
錄參宋史

遷秘書監兼崇政殿說

書五年試中書舍人兼侍講同修國史上欲采晉宋以下興亡理
亂之大端約爲一書謂駢曰惟卿與周必大可任此事言者忌而
攻之上留章不下授提舉太平興國宮起知寧國府改知太平州
加集英殿修撰以言者罷起知袁州光宗受禪召試吏部侍郎紹
熙元年同知貢舉兼侍講二年春雪雷詔陳時政得失駢疏三十
條如宮闈之分不嚴則權柄移內謁之漸不杜則明斷息謀臺諫

臨海縣志

卷十九

人物 名臣

十三

於當路則私黨植咨將帥於近習則賄賂行不求讜論則過失彰
不謹舊章則取舍錯宴飲不時則精神昏賜予無節則財用竭皆
切於時病三年三月權禮部尙書六月同知樞密院事四年二月

編年錄
作三月

參知政事光宗以疾不朝重華宮會慶節稱壽又不果往

駢三入奏廷臣上疏者以百數上感悟以冬至日朝重華五年正
月朔旦稱壽於慈福宮孝宗崩光宗以疾未臨喪駢請正儲位以
安人心七月攝行三省事甯宗卽位知樞密院事兼參知政事趙
汝愚爲右丞相駢素所不快未嘗同堂語汝愚擬除劉光祖侍御
史駢奏曰劉光祖舊與臣有隙光祖入臺臣請避之汝愚愕而止
時韓侂冑恃傳言之勞潛竊國柄吏部侍郎彭龜年論侂冑將爲

國患不報於是龜年侂冑俱請祠駢曰以閣門去經筵何以示天下龜年竟外補侂冑語人曰彭侍郎不貪好官固也元樞亦欲爲好人耶遂以資政殿大學士與郡辭詔提舉洞霄宮慶元二年知婺州告老授觀文殿學士提舉洞霄宮嘉泰三年卒年七十六贈少傅諡文簡

宋史本傳

駢負絕類資不以己形物後生片善答獎不容

口薦引甚衆除授破資格國有大事議定俄頃無瑟縮顧望意通

前代故實宋時憲令文詞古雅不名一體謝歸後獨處一室勘整

舊書講繹不少厭

葉適撰文集序

著有中興館閣錄十卷中興館閣書目

七十卷

宋史藝文志

文則二卷

盧文弨宋史藝文志續

祀鄉賢祠

王衡字彝仲紹興二十七年進士除婺州推官孝宗立賜軍兵錢

臨海縣志

卷十九

人物

名臣

十四

州無見緒未給守方宴賓卒衝幕徑上雜坐妄語衡聞變行入府門卒望見卽招手下曰節推來躬聲喏如平日且慙曰侍郎犒賞遲又欲折支與健兒適衡笑曰汝誤矣自渡江以來將四十年兵火散落我攢檢方畢何得爲遲錢已在庫何名爲折卒稍退衡白守借於他司俄又報兵士毆庫吏死衡怒叱曰汝不聽名次而亂取必斬無赦卒意折皆曰依節推說始散去滿秩待太學博士闕召試爲秘省正字兼聖政檢討官遷校書郎在館爲省試點檢得詩賦卷白於衆以爲絕士也獨一參詳及同知論未合卒力辨之竟放高等四方士補試於貢院晨門未啓適忌日行香至親王不得前取別巷過宰相街司競棘叢中或傳坐此罷太學矣衡輪對

從容爲上言上曰聞無賴者亦來耶對曰萬人之聚固無不有然異日爲天下棟樑者皆是也上意解浮語浸息衛雖不及預大議而果決敢辨遇事堅正能遏橫流一日上批衛及張校書恪皆爲察官當筆參政使所親賀衛力辭曰某叨忝未逾月便作御史人不謂有徑路乎因草劄若備對者言考第舉員而後改官不刊之法也近世入穀或獻書或祖父勲伐或特旨上殿皆得改秩雖由權道徒啓倖門非祖宗意也所親復至曰上命無庸辭也衛出其稿知不可奪遂兩寢之居貧尤厲操嘗贖質而得金價十倍家人有喜色趣使還之曰五月披羊裘而負薪豈拾遺金也攝倖十日食本俸而已以足疾乞玉隆觀卒年六十一

府志洪志
參墓誌

王十朋嘗

臨海縣志

卷十九

人物 名臣

十五

謂衛政事文章皆過人一等忼慨論世事相勉必以名節梁紹論館閣人才以衛爲稱首云

王文忠集

子三人似之應之棐棐字仲溫慶

元五年進士歷太常寺主簿將作監丞知衢州提舉浙西常平金部郎中國子司業起居舍人秘閣修撰知溫州不赴以右文殿修撰主管沖佑觀孫象祖夢龍自有傳

赤城志

鹿何字伯可祖淵贈右承事郎陳瑾謫台時淵從之游何天姿孝友在上庠聞父病不暇俟潮有願負以涉者半濟而潮至負者棄走自分必死俄有小艇至前賴之以濟人以爲誠孝所感善屬文由太學登紹興三十年丙科授左迪功郎秀州華亭縣尉有戚寇馮險肆虐先以方略擒其爪牙數輩一日出不意親至其家縛取

以歸權豪築長隄侵淤水道王公炎時爲漕使被旨疏導或曰此
鼎貴人所築也何曰正當自顯名始有罪尉自當之隄旣盡去水
勢頓洩漕喜甚改左承奉郎知泉州南安縣郡於中冬督秋賦甚
急就逮者縣率二百人何力言省限未及法未應追連日上謁不
得見願給告身以歸民相率至縣庭遮留者日數百人且言無捨
我去賦易足也皆夜舂晝輸未浹日而登足守驚且悔設燕遜謝
徹淫祠材新邑庠增員選師親加督課士益知勸邑士名薦書者
倍於舊民相戒不忍犯法固空累月邑人肖像立祠奉之

樓鏞撰
墓誌

詹事王公十朋至延福囑訪姜相祠墓數日修其祠墓亦得之且

爲修治

王文忠集

王公以治最薦給事中陳公良翰舉以自代監登聞

臨海縣志

卷十九

人物名臣

十六

檢院時中都官待次者率從外置遂添差通判吉州

墓誌

益著能聲

遇事如照鏡取形馭吏如聚火燔石以故臨蒞者多誦體降心接

之他所扞格者屬何從容如辨黑白

紹陶錄

江右大饑朝廷設賞募

人出粟何諭富室得粟七萬斛全活者不勝計淳熙二年以堂察

除知衢州尋改饒州論諸郡獄官不得注癯老之人乞嚴差注之

法又言奏對者多徇私迎合詆議成法閒有施行又不便而罷誠

有朝令夕更之弊考宗皆嘉納諭何治郡不可不留意財賦何奏

曰今生財之道極矣惟能窒弊原懲吏奸則財不可勝用無政事

則財用不足若能使田里無愁恨嘆息之聲則郡計不足慮也上

然之四年九月到郡未久召爲諸王宮大小學教授五年五月除